

كُتِر الوعود



كُتِر الوعود عملت حدود

فاصل ما بين قلبي الودود

قلبك جحود

عملت علامه ع الخدود

سميتها دمة بدون سدود

تكتب على أوراق الورود

ليه مرة تنسي وعليا تقسي؟

يومي، وأمسي، أملي، ويأسي

رفضوا الصمود

باكتب كلامي والنجم باكي

ويطير منامي وافضل أحاكي

في اللي ظلمني ويجيني شاكي

وقمري ساكن من فوق سحابي

سامع عتابي، راضي بعذابي

قافل لي بابي

ابعد واهجر واقفل كتابي

وانسي سطورتي ويا حروفي

خليك ف غربه تايه وقاسي

هتيجيني لحظه تلاقيني ناسي



اشرب وجرّب كل المآسي
لو لسه ليا ف القلب دقة
هيرد قلبك ويقول لي لاء
ماقدرش ابعده واستغني عنك
الغربة ليها وياك حكاية
راسمة ف عيونك اجمل مرآيه
ولما شمسي هتشق ليك
تكسر معاها كل المرايا
ساعتها تندم علي وهم عشته
لكن خلاص انسي البدايه
اخر حروف كتبت نهايه

